

www.BibleForChildren.org


Mateo 26



Ocaranivani
6 quitaiteri
Inquimoshireventearo
Yavisantaniri. Yareetaja
Jesoshi Vetaniaqui,
anta isaviquinta
Irasaro camavetainchari:
yora yoitinaajiri Jesoshi,
yoaneajiri. Maria
amaqueneri Jesoshi casancajari,
cameetsajatasannotatsiri.



Opinatasanotaca.
Quejitsi oni,
ojaacaro voteyajaniqui.
Osaitiri iitiqui, irosati
oshetantajari oishi.
Otimanaque ojencaare,
otsoteanaquero maaroni pancotsi.



Ainiro iriori Jorashi Ishicariote icarajeitiri iroamere
Jesoshi. Ijatanaque apaniro anta itiminta
jivatacaajeitiriri saserotepee,
incantacoventanteariri
Jesoshi.



Iquemajeitavaqueri ora icantapaaqueriri,
iquimoshirejeitanaque, icantiri:

—Cameetsataque: oshequi
nompinajeitempi quirequi.

Impoiji iquenqueshireti


Jorashi: —¿Jaoca
noncanteriri

naacantanteariri?

¿Jaoca oncarate?



Ari nojajeitanaque,
nocantapaaqueri. Yonijaquenaro
ivanco, irosati novetsicantacaro
noajeiteari. Ari tequera
nontsoncajeitero noyea, ari
yaaquero Jesoshi tanta,
yajiricaquero, ipasonquitiri
Tasorentsi. Impoiji
icarajaquero,
ipajeitaquena,
icantajeitaquena:
—Paajeitavaquero,
poajeitearo.
Tempa narotaque
camimentajeitempineri.



Impoiji yaaquero aisati
nirajeitanti, ipasonquitajiri
Tasorentsi. Ipacojeitaquenaro,
icantajeitaquena: —Pirajeitero,
maaroni. Tempa irootaque niraja
Amparajatimentajeitempineri,
Incavintsaajeitantiempiri
Tasorentsi.



Ariorica paventajeitena, eiro
iquenqueshiretajirotsi Tasorentsi
caari cameetsatatsi pantajeitiri.
Iroaquera oca nocantajeitaquempiri
piojeitanteari jaoca pincantajeari
pavisacojeitantajeari: avirorije,
aisati maaroni timajeitatsiri.



Aisati icantiri Avincatsarite: —Shimo, yora
Satanashi icantaqueri Tasorentsi icoaque
irineantempi, iriotanteari piquemisanotirica.
Queariompia, icoaque irantacayempiro caari
cameetsatatsi. Iro cantaincha noncanteri Tasorentsi
iramitacotempi eiroquea pojocasanotantarotsi
piquemisanti.



Coajica, ariorica pinquenqueshirereempa aisati
pinquemisantajena, pinquenqueshiretacaajeiteri
maaroni piyemisanrarinte,
pinquemisantacaasanojeiteri. Yacanaqueri Shimo:
—Tempa aviro novincatsarite, quiso noanaquempi;
ariorica iroiminqueetempi,
eiro nojoquimpitsi.



Iroiminqueetenata narori. Ariorica iroyeetempi,
nontsipatasanotanaquempi. Iroyeetenata narori.
Icantaqueri: —Noncamantempi: meeca tsiteniriquica,
eirotsitarica ineaji teapa, oncarate mava pincante:
"Te noneeriji Jesoshi".




Impoiji ijatanaque
Jesoshi Jetsemaniqui,
noijajeitanaqueri:
narori, aisati maaroni
itsipapee iroamere.

Icantaquena:

—Pisavicajeitavaquetsita
aca: nojate anta
nonquenquetsatacaavaquerita
Apa. Ari yovaanaca capichaji
ara. Itiyeroanaca quipatsiqui,
iquenquetsatacairi iriri.



—Apa, aviro avinti mayetirori maaroni,
paitapeerica. Nocoavetaca poavisacotename
oca nonquematsicateari, iro cantaincha eiro
pantirotsi nocoavetari narori, pantenaro
picoacaaquenari avinti. Ari
ipeshitavaqueri
iyempitasanori
aparoni inampire yora
ivincatsarite saserote,
peti. Icantiri Jesoshi:
—Ari inaji, eiro pantiritsi.
Impoiiji yoipiajiniri
iyempita, yoavisacotajiri.




Impoiji yaasanotaqueri Jesoshi, shepi.
Yaajeitanaqueri anta ivancoqui ivincatsarite
saserote. Osamanitanaque Petero,
Yoijatacoventavetanacari.
Anta pancotsiqui,
ocaraiteti, yoisheetiro
paamari.



Isavicajeitapaaque, icotsitajeitapaaca
yora aajeitaqueriri Jesoshi. Impoiji
itsipajeitapaacari Petero.




Itsipajeitari aparo
inampire Caijashi.
Iriotaque ishaninca
yora
ipesaquempitavetacari
Petero. Icantaqueri:
—Tempa noniimpi
panquirentsiqui,
pitsipatari Jesoshi.
Yapiitajiro Petero
imanacotaja. Irosati
ineantanaca teapa. Ari
ijatanaque Petero,
iraasanotanaca, jii, jii.
Oshequi yoashiretanaca, catsini.




Ari ijajeitanaque, yaajeitanaqueri
Jesoshi anta Piratoqui. Oromasati
ini iriori, ipincatsariventajetitiri
joriopee. Ari isampitiri Pirato:
—¿Queariompa?
¿Avirompa ivicatsarite
jorio? Yacanaqueri:
—Je, narotaque.



Icoaveta Pirato iroimpacajerime
Jesoshi, irootaque icoantavetacari
iroimajerentajerime atiripee,
iro cantaincha aiquero
icantajeitanajatiiri:
—Pimpajacotacanteri.
Pimpajacotacanteri.



Irosati ipajacotacantantacari.
Irio soraro aajeitanaqueriri.
Irisati aanajiro Jesoshi
coroshi. Yojocanajiro nampitsi,
yareetapaaca toncaariqui
pajitachari Iitontsini. Evereo
ipajitiro: "Coricota".



Aitaque ipajacoyeetaqueriri coroshiqui.

Itsipatacari apite shirampari.

Ipajacoyeetaqueri iriori
coroshiqui pashini.

Yoyeetaqueri

Jesoshi

nianqui.


Aparo

yoyeetaque


iracosanoriqui

Jesoshi, irio

itsipa irampatequi.



Aisati itsitenitanaque catsirincaiteri. Aisati otimi
anta ivancoqui Tasorentsi oticaashiro nianqui. Ari
omapocashitanaca, otsereanaque, tsererere, tsati;
apitemaotanaque. Impoiji
antearojenca icantanaque
Jesoshi: —Apa, meeca
noncame. Aviro
quempoyeajenani.
Irosati icamantanaca,
toren.



Ainiro Jose, yora poneachari
Arimateaqui. Aitaque icarajeitiri
yora oametavacaajeitainchari.
Ineacameetsajeitiri
atiripee. Yaamaari
Tasorentsi, icoaque
Impincatsariventereri.

Yamanantaque
Jose tocoya.
Yoaniitaqueri
Jesoshi,
yapinaicacotaqueri
tocoyaqui.
Yoiponaqueri
omoroqui, anta
imoqueetironta
imperita.



Ipanacari iriori Pirato,
ijatashitaqueri
yamanantapaajiri
yora Jesoshini.
Itivironcashitanaqueri
antearo mapi
omoroqui.



Iro quitaiteri ipajacotantariri
Jesoshi opajita Yavisantaniri.
Oquitaitetamanaque
ijatashijeitaqueri Pirato
yora jivatacaajeitiriri
saserote aisati yora
variseopee.



Icantajeitapaqueri:
—Novincatsarite,
noquemajeitaqueri
icantaqueri chapinqui
yora amatavitantatsiri:
“Noncamaque,
impoi oncarataque
quitaiteri mava,
ari nontinaanaje”.




Irosati ijajeitantanaca,
yashitacotasanotaqueri,
impoijsi ishentajeitiro
soraro.



Ari avisanaque quitaiteri
imaoreajeitanti, meeca
otomincotapaaque.


Tsiteniquera
ojatamanaque Maria
maquitarasato,
aisati otsipataro
omariaroronte.

Ojataque
amenamanajero
omoro
yoyeetaquerinta
Jesoshini.



Omapocanaca antearo
onicanaca quipatsi aisati.
Jeri aisati itimi inampire
Avincatsarite: iponeanaca
inquitequi, ipocaque
itivironcapaaquero
mapi, irootaque
isavicantapaacari.


Oshequi catsini
itsaroacaajeitavaca
ri soraropee, te
irimatajeaji
irishevatajea:
iquempevetanaca
incamaquerica.



Ari icantiro tsinane: —Eiro
pitsaroitsi avinti. Niotaque irio
pipocashiveta Jesoshi. Te
aneajeriji meeca,
tinaanaja ini. Tempa
icamantitaquempini.
Caatanaque,
pamenero aca
yoyeevetacarica.



Ari oasanotanaque cavaco, aisati oshequi
oquimoshiretanaque. Ojatanaque,
oshiashitanacari iroamere,
oncamanteri. Nianqui
imapocaquero Jesoshi,
ivetsatacaro. Ojashitaqueri,
otiyeroashitacari,
ajiricapairi iitiqui. Oshequi



opincatsatapaacari.





Impoiji yoajeitaja iroamerepee, icarajeitaji 11.

Irosati inijajeitantapaajariri Jesoshi.

Icantajeitaqueri: —Tempa nocamantitimpini
nontinaanaje: ¿paita caari piquemisantantana?

Tempa ontime piquenqueshireantari. ¿Paita caari
piquemisantantari neajanari incaranqui?

Irootaque icantajeitaqueriri Avincatsarite Jesoshi,
irosati yoancantanaja inquitequi, isavicapaaji anta
iracosanoriqui Tasorentsi, icaratapaajiri
ipincatsaritapaaji iriori.



Inintasanojeitiri Tasorentsi
maaroni atiri, irootaque
itiancantaquenari
aca quipatsiqui.



Narotaque itomi
irapintite. Incantaitatiyempani
iraneajeitapaaje inquitequi maaroni
quemisantajeitanari; eiro catsini
ijatitsi ishaaviji maaroni
quemisantajeitanari.



Oromasati 3:23 ainiro antajeitaqueri
caari cameetsatatsi, maaroni. Te antajeiteroji
cameetsayetatsiri icoacaajeitaqueeri
Tasorentsi.

Oromasati 6:23 Pantapinijeivetacaro caari
cameetsatatsi, pijajeitanteameri
Sharincaveniqui. Iro cantaincha
piquemisantaqueri Jesoquirishito, irootaque
icavintsantaquempiri Tasorentsi,
irisavicacaajeitempi inquitequi,
pincantaitatiyempani.



Ijorioririnte 9:27 Ayojeitaque aparo
acamajeitaque, toren, ari acarati; te
ampiitapiniteroji ancame. Ariorica ancamaque,
impoi incantacoventajeitaquee Tasorentsi.

Ejesosati 2:8,9 Piquemisantaqueri, irootaque
yoavisacotantaquempiri Tasorentsi: tempa
oshequi ineshinoncatasanojeitaquempi. Tecatsi
pincantajeitea poavisacojeitajea avisati,
irintiquea yoavisacotashijeitaquempi.
Arosatime oavisacotajanchaneme, tempa
ashemejeiteme.



Oromasati 10:9,10 Ariorica pincamanteri
itsipapee atiri pipincatsataqueri Jesoshi, aisati
ariorica pishiretearo yoitinaajiri Tasorentsi,
aitaque pavisacotaje. Pineaquero, ariorica
ashireteari Tasorentsi, irineacameetsajitee;
aisati ariorica ancamanteri itsipapee atiri
aquemisantaqueri Jesoquirishito, aitaque
avavisacotajea.

Joa 3:16,17 Inintasanojeitiri Tasorentsi maaroni
atiri, irootaque itiancantaquenari aca
quipatsiqui. Narotaque itomi irapintite.
Incantaitatiyempani iraneajeitapaaje inquitequi
maaroni quemisantajeitanari; eiro catsini ijatitsi
ishaaviji maaroni quemisantajeitanari.



Te iro intiancantena Apa noasanquetaajeiteri
atiripee, irointi itiancantaquena noavisacojeiteri.

1 Joa 5:11-13 Aquemisantaqueri ainti Itomi,
irootaque irisavicacantajeitajeeri Tasorentsi
anta inampiqui, ancantaitatitempani. Aitaque
incantaitatitempani iraneaje inquitequi maaroni
iotiriri Itomi. Yorari caari iotiri, tecatsi
incantea irisavique anta inquitequi.
Piquemisantaqueri Itomi Tasorentsi, meeca
nosanquenajeitimpipro piotanteari
pincantaitatitempani panee anta inquitequi.



Mateo 26-28; Irocashi 22-24; Joa 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Asháninka Bible (cni) © 2008, 2015, Wycliffe Bible
Translators, Inc. All rights reserved.

<https://www.bible.com/bible/575/MAT.1>

©2026 Bible for Children, Inc.

www.M1914.org

www.bibleforchildren.org

